

舊雜譬喻經

下

四百卅三
圖四

51029



元祿九年丙子二月日重脩

皇圖瓊固 帝階綴昌

佛日增輝 懋合輪常轉

山城州天安寺法金剛院置



舊雜譬喻經卷下四

吴天竺沙門康僧會 譯



佛為諸弟子說經時有射獵人擔弩及負十有
餘死鳥過往觀佛其意精銳願聞說經心欲
聽受佛則止不為說之獵人退去便言若我
作佛必普遍為人說道無所違逆阿難問佛
此人撰情欲聽典教何以逆之佛言
大菩薩立心深固昔為國王於眾嫫女意不
平均不見幸者共鴟煞王王生射獵家諸嫫
女皆墮鳥獸中今畢其罪後又成就若為說
經恐其意懼墮羅漢道故不為說耳
音佛寺中有金釜以烹五味供給道人時有



凡人入觀見金釜欲盜取之無所因緣詐作
沙門被服入衆僧中間上座論經說諸罪福
生死證要影響之報不可得離之證盜人意
中開悟內懷慚悔撰情專心則見道迹思惟
所由釜是我師特先禮釜遶之三帀爲衆沙
門具自道說夫覺悟各有所因心專一者莫
不見諦也

昔阿那律已得羅漢衆比丘中顏容端正有
似女人時獨行草中有輕薄年少見之謂是
女人邪性洩動欲干犯之知是男子自視其
形變成女人慙愧鬱毒自放深山遂不敢歸
經逾數年其家妻子生不知處謂已死亡悲

號無寧阿那律分衛往至其家婦人涕泣自
說其夫不歸乞勾福力使得生活阿那律默
然不應心有哀念乃至山中求與相見此人
便悔過自責其身還成男子遂得還歸家室
相見凡得道人不可以惡向之反受其殃也
昔有比丘於空閑樹下坐行道意樹上有一
獼猴見比丘食下住其邊比丘以餘飯與之
獼猴得食輒行取水以給澡洗如是連月後
日食忽忘不留飯獼猴不得食大怒取比丘
袈裟上樹悉裂敗之比丘忿此畜生以杖捶
誤中墮地獼猴即死數獼猴並來噪嚙共舉
死獼猴到佛寺中比丘僧知必有以則合會

諸比丘推問其意此比丘具說其實於是造
教自從今日比丘每食皆當割省留餘以施
蠕動不得盡之檀越勾飯由此爲始也

昔有鯿遭遇枯旱湖澤乾竭不能自到有食
之地時有大鶴集住其邊鯿從求哀乞相濟
度鶴遂銜之飛過都邑上鯿不嘿聲問此何
等如是不止鶴便應之應之口開鯿仍墮地
人得屠裂食之夫人愚頑無慮不謹口舌其
譬如是也

昔有沙門令凡人剃頭剃頭已頭面著地作
禮言願令我後世心意淨潔智慧如道人道
人言令卿得慧勝我其人作禮而去後命盡

生初利天上天上壽盡來下生大姓家作了
後得作沙門智慧得見道迹此至意所致也
昔有梵志從國王勾王欲出獵令梵志止殿
上須我方還乃出獵追逐禽獸與臣下相失
到山谷中與鬼相逢鬼欲啖之王曰聽我言
朝來於城門中逢一道人從我勾我言止殿
上待還今乞暫還與此道人物已當來就卿
受啖鬼言今欲啖汝汝寧肯來還王言善哉
誠無信者我當念此道人耶鬼則放王王還
宮出物與道人以國付太子王還就鬼鬼見
王來感其至誠辭謝不敢食也師曰王以一
誠全命濟國何況賢者奉持五戒布施至意

其福無量也

昔阿育王常好布施飯食沙門令太子自斟酌供具太子嘿恚言我作王時悉當煞諸道人道人心知太子瞋恚謂太子言我不久在世間太子驚曰道人明乃余知我心意即反念我作王時當供養道人勝我父心遂和則去惡就善道人言比卿作王時我生天上已太子曰聖哉沙門後作國王以五戒十善爲國正遂致隆平矣

昔有四姓取兩婦太婦日日以好飯供養沙門沙門日往取飯小婦患毒之明日沙門復來小婦則出取鉢以不淨著鉢中以飯置上

授還沙門沙門持去於山中適欲飯見不淨
則盥洗鉢後不敢復往小婦口中及身體則
作鼻人見皆走避後壽終墮涕屎地獄如是
展轉三惡道數千萬歲罪畢得爲人常思欲
食大便不得腹中絞痛後爲人婦夜起盜食
大便如是數數夫恠之便往尋視見婦食屎
此宿命行所致也

人有四難得成一者塔二者招提僧舍三者
飯比丘僧四者出家作沙門是四事以立其
福無量所以者何三界時有耳已得作人復
有財產能拔慳貪之本應時惠施功業託立
是亦難得誰能知此福者唯佛耳

佛言比丘不以飯食轉相呼爲親道唯以經法轉相教戒爲親耳比丘以飯食美味轉相貢施見世於比丘善名後世無所應於佛得惡論何以故外行家見比丘言佛弟子但以美飯食好衣轉相施耳誰教者是佛也於佛得惡論比丘以經戒道法轉相請乃爲大親厚耳何以故外行家見比丘言佛弟子但以經戒道法轉相施耳無他相與於比丘現世得善名後得解脫於佛有善論何以言之佛是比丘師教弟子但以經道是故不必以飯食爲惠也但以善言轉相施上耳佛言比丘當知足何等爲當知足謂趣求一

衣一食常在經行念不念外求能止不亂意
是為知足亦不當知足謂所謂經戒若得四
禪及四空定須施洎斯施舍未可計知足也
如是為不當計足矣

有比丘分衛道住促迫卒失小便行人見之
皆共譏笑言佛弟子行步有法度被服有威
儀而此比丘立住失小便甚可笑也時有外
行尼犍種見人譏笑此比丘即自念言我曹
尼犍種裸身而行都無問者佛弟子住小便
而人皆共笑之如是者我曹師為無法則故
人不笑耳將獨佛弟子法清淨有禮儀易為
論議故便自歸佛所作沙門即得須施洎比

丘譬如師子衆獸中王人中師所語當用法
行步坐起當有威儀爲人法則不得自輕自
輕自毀以辱先賢也

天王釋及第一四天王十五日三視天下誰
持戒者見持戒者天即歡喜時以十五日天
王釋在正殿坐處自念言天下若十五日三
齋者壽終可得吾位矣邊諸天大驚言但十
五日三齋乃得如釋處有比丘已得阿羅漢
即知釋心念白佛言寧能審如釋語不佛言
釋語不可信爲不諦說何以故十五日三齋
精進者可得度世何爲釋處如是爲不諦說
爲未足信誰能知齋福者唯佛耳

海中有大龍龍欲雨閻浮利地恐地無當此
水者龍意念地無當我雨者還自雨海中耳
佛惠弟子威德甚大欲以施外行九十六種
道家恐無能堪者是故佛弟子展轉自相惠
耳譬如龍自還雨海中也

昔有梵志年百二十少小不妻娶無姪妹之
情處深山無人之處以茅爲廬蓬蒿爲席以
水果蔬爲食飲不積財寶國王娉之不往意
靜處無爲於山中數千餘歲日與禽獸相娛
樂有四獸一名狐二者獼猴三者獺四者兔
此四獸日於道人所聽經說戒如是積久食
諸果蔬皆悉訖盡後道人意欲使徙去此四

獸大愁憂不樂共議言我曹各行求索供養
道人獼猴去至他山中取甘果來以上道人
願止莫去狐亦復行化作人求食得一囊飯
麩來以上道人可給一月糧願止留獼亦復
入水取大魚來以上道人給一月糧願莫去
也兔自思念我當用何等供養道人耶自念當
持身供養耳便行取樵以然火作炭往白道
人言今我爲兔最小薄能請入火中作炙以
身上道人可給一日糧兔便自投火中火爲
不然道人見兔感其仁義傷哀之則自止留
佛言時梵志者提和竭佛是時兔者我身是
獼猴者舍利弗是狐者阿難是獼者目捷連

是也

昔有五道人俱行道逢雨雪過一神寺中宿
舍中有鬼神形像國人吏民所奉事者四人
言今夕大寒可取是木人燒之用炊一人言
此是人所事不可敗便置不破此室中鬼常
啖人自相與語言正當啖彼一人是一人畏
我餘四人惡不可犯其呵止不敢破像者夜
聞鬼語起呼伴何不取破此像用炊乎便取
燒之啖人鬼便奔走夫人學道常當堅心意
不可怯弱令鬼神得人便也

昔有國王棄國行作沙門於山中精思草茅
為屋蓬蒿為席自謂得志大笑言快哉邊道

人問之。卿快樂。今獨坐山中學道。將有何樂。耶沙門言。我作王時。所憂念多。或恐鄰王奪我國。恐人劫取我財物。或恐我爲人所貪利。常畏。臣下利我財寶。及逆無時。今我作沙門。人無貪利我者。快不可言。以是故言快耳。

昔有國王。大好道德。常行遶塔百匝。未竟邊。國王來攻。欲奪其國。旁臣大恐怖。即行白王言。有兵來者。唯大王置斯旋塔。還爲權慮。以攘重寇。王言聽使。兵來我終不止。心意如故。遶塔未竟。兵散罷去。夫人有一心定意。無所不消也。

昔有國王。行常過。爲佛作禮。不避泥雨。旁臣

患之自相與語王作意何以煩碎乃尔王耳
聞之王還宮勅臣下行求百獸頭及人頭一
枚來臣下白王言已具王今於市賣之皆售獨
人頭不售臣下白言賣百獸頭皆售此人頭
臭爛初無買者王語旁臣汝曹不解耳我前
者過佛所爲佛作禮汝曹言王意煩碎欲知
我頭者如此死人頭不潔淨當以求福可得
上天汝曹愚癡不知反言煩乎旁臣言實如
大王所說叩頭謝過臣等愚不及王後復出
臣等皆下馬爲佛作禮以王爲法也
昔有國王出遊每見沙門輒下車爲沙門作禮
道人言大王止不得下車王言我上不下也

所以言上不下者今我爲道人作禮壽終已後當生天上是故言上耳不下也

昔有人死已後魂神還自摩挲其故骨邊人問之汝已死何爲復用摩挲枯骨神言此是我故身身不煞生不盜竊不他姪兩舌惡罵妄言綺語不嫉妬不瞋恚不癡死後得生天上所願自然快樂無極是故愛重之也

昔外國有沙門於山中行道有鬼變化作無頭來到沙門前報言無頭痛之患目所以視色耳以聽聲鼻以知香口以受味了無頭何一快乎鬼復沒去復化無身但有手足沙門言無身者不知痛痒無五藏了不知病何一

快乎鬼復沒去更作無手足人從一面車轉
輪來至沙門道人言大快無有手足不能行
取他財物何其快哉鬼言沙門守一心不動
鬼便化作端正男子來頭面著道人足言道
人持意堅乃如是今道人所學但成不久頭
面著足恭敬而去也

昔沙門於山中行道裹衣解墮地便左右顧
視徐牽衣衣之山神出謂道人此間亦無人
民衣墮地何為匍匐著衣沙門言山神見我
我亦復自見上日月諸天見我於義不可身
露無有慙愧非佛弟子也

昔有六人爲伴俱墮地獄中同在一釜中皆

欲說本罪一人言沙二人言那三人言時四
人言涉五人言姑六人言陀羅佛見之笑目
捷連問佛何以故笑佛言有六人爲伴俱墮
地獄中共在一釜中各欲說本罪湯沸踊躍
不能得再語各一語便迴下一人言沙者卅
間六十億萬歲在泥犁中爲一日何時當竟
第二人言那者無有期亦不知何時當得脫
第三人言時者咄咄當用治生爲如是不能
自制意奪五家分供養三尊愚貪無足今悔
何益四人言涉者言治生亦不至誠我財產
屬他人成爲得苦痛第五人言姑者誰當保
我從地獄中出便不復犯道禁得生天上樂

者第六人言陀羅者是事上頭本不爲心計
譬如御車失道入邪道折車軸悔無所復及也
折羅漢譬喻抄七首

昔佛遣舍利弗西至維衛莊嚴刹土問訊彼
佛三事佛身安隱不說法如常不受者增進
不舍利弗即承佛威神往詣彼刹宣命如是
彼佛報言皆悉安隱於時彼佛轉阿惟越致
輪爲七住菩薩說法舍利弗聞之從彼刹還
姿色光明行步勝常佛告舍利弗汝到彼何
故陔步怡悅如是舍利弗白佛言譬如貧家
飢凍之人得大珍寶如須彌山寧歡喜不佛
言甚善舍利弗言我到彼刹得聞彼佛說阿

惟越致深奧之事是以欣踊不能自勝佛言
善哉如汝所言佛語舍利弗譬如長者大迦
羅越純以紫磨金摩尼珠爲寶內有掃除銅
鐵鉛錫棄在於外糞壤之中有貧賈者喜得
持歸言我大得迦羅越寶寧是長者珍妙寶
非荅言非也佛語舍利弗汝所聞得如是貧
者彼佛所說但十住事及在舉中清淨之者
汝所聞者不足言耳舍利弗即愁毒如言我
謂得寶反是鉛錫舍利弗說是事時無央數
人皆發無上平等度意無央數人得阿惟顏住也
昔摩訶目犍連坐於樹下自試道眼見八千
佛刹意自念言如來所見尚不如我作師子

步行詣佛所佛告目連汝聲聞種今者何故
作師子步目連白佛我自所見八方面八千
佛刹想佛所視又不如我故師子步佛言善
哉目連所見廣大乃尔佛告目連譬如燈明
比方摩尼相去甚多佛言我眼所見十方各
如十恒沙刹一沙爲一佛刹盡見其中所有
一切有從兜術天來入母腹中者及有生者
有出家行學道者有降伏魔者有釋梵來勸
助者有轉法輪一切說法者有欲般泥洹者
有已般泥洹燒舍利者如是等輩不可計數我
持是眼悉已見之佛放眉間毛相之光徹照
上方放身中光遍照八隅放足下光明洞照

下方各百千刹應時十方諸刹六反震動其
大光明無所罣礙時目捷連即於佛前見無
央數千恒沙邊刹其中所有如佛說前佛言
佛屬所說十恒沙刹今佛所現乃尔所乎佛
語目連用汝不信故小說耳今我所現如是
之比不可勝計摩訶目捷連聞說是事身即
躡地如太山崩舉聲大哭我憶知佛有是功
德今方如此寧令我身入大泥犁右脅見者
過於百劫不取羅漢目連便言諸在會者世
尊說我神足第一尚不足言所作功德不及
知此何況未有所得者耶發心所作當志如
佛莫得效我化爲敗種一切會者龍神人民

無央數千皆發無上平等度意發大道心者
即得阿惟越致已得不退轉者皆悉逮得阿
惟顏住也

昔有龍王名曰拔垢威神廣遠多所感動志
性急弊數爲暴虐多合龍共爲非法風雨霹
靂電教人民鳥獸蠕動積無央數有尊羅漢
萬人自共議言若救一人墮地獄十劫百償
死罪猶故不畢今者此龍殘害衆生前後不訾
遂介不休轉恐難度幸當共往諫止之耳時
佛知之讚言善哉汝等出家求無爲道欲救一
切危厄之命度有罪者大快當介是爲報恩
時諸羅漢自相謂言不足乃使萬人俱行於

是一人各各更往輒被危害不能自前還相謂
言雖獨行不能降化屈折此龍使改爲善當
更合會萬人功德俱時共行即却復往龍放
風雨雷電霹靂萬人驚怖不知所至逆爲所
辱頓伏來還阿難白佛此龍殘煞乃尔所人
及諸畜獸其罪大多已不可計今復加雹怖
萬羅漢雨其衣被狀如溺人其罪深大叵復
勝計是時佛在耆闍崛山與萬菩薩萬羅漢
俱往詣異山到龍止所龍便瞋恚興暴雨疾
雷雹霹靂其放一雹今辟方四十丈若至地
者入地四尺欲以害佛及菩薩僧時雹適下
住於空中化成天華佛放光明廣有所照諸

在山中射獵行者遭值雲雨杳冥迷惑不識
東西合萬餘人皆尋光來詣佛所住龍復霹
靂放下大石方四十丈若石至地者墮入地
中當四尺石於佛上與前華合化成華蓋
小龍雹石各方一丈亦皆如是前諸羅漢見
龍災變各懷恐怖前依近佛龍於雲間自見
雹石化爲華蓋懸於虛空而不下至復自念
言我當以身堅自槃結令四十丈欲以澍佛
及衆僧上即時自撲無所能中遍身毒痛倒
地甚久舉頭開目仰視見佛我之所爲皆不
如意疑是尊妙無上神人於是小龍而皆自
撲無所動搖龍王是時即便命盡上生爲天

諸餘小龍亦皆并命得作天子皆悉來下住
於佛邊佛告阿難汝知是天所從生不對曰
不及佛言屬者諸龍興惡意者汝言罪大不
可勝計自撲在地發一善心知佛爲尊命盡爲
天此者是也天聞佛言及諸天子皆發無上
平等度意是時獵人諸在山中來詣佛者皆
自念言此龍之罪尚得解脫我之所害方之
此龍蓋亦無幾欲發道意心尚猶豫佛告阿
難此萬羅漢欲度諸罪力所不任若無我者
爲龍所制不能度惡還益其罪欲度一切當
先禪定思惟可度然後乃行汝等不能度者
恒薩阿竭能度不度是時獵人聞說如是皆

發無上平等度意天龍人民其在會者佛爲
說經皆得阿惟越致昔龍王拔垢與釋迦文
佛共爲婆羅門拔垢弟子時有萬人見釋迦
文爲人才猛捨其師事釋迦文拔垢懷恚罪
至爲龍佛德旣成多發一切弟子萬人皆得
羅漢龍惡遂盛廣欲爲害萬人愍傷故欲往度
曾爲師故四道雖足猶受其辱若爲菩薩龍
欲加惡終不敢也

昔有一國人民熾盛男女大小廣爲諸惡性
行剛弊凶暴難化佛將弟子到其鄰國五百
羅漢心自貢高摩訶目犍連前白佛言我欲
詣彼度諸人民佛即聽之往說經道言當爲

善若爲衆諸惡其罪難測覆一國人皆共
搗罵不從其教於是復還舍利弗謂目犍連欲
救誨人當以智慧如更見毀舍利弗白佛我
欲詣彼勸度人民佛復聽往爲說經戒復不
從用而被唾辱摩訶迦葉及尊弟子合五百
人以次遍往不能度之咸見輕毀阿難白佛
彼國人惡不受善教多所折辱辱一羅漢其
罪不訾況乃違戾衆人所人教當獲重罪虛空
不容佛言此罪雖爲深重菩薩視之靜爲無
罪佛遣文殊師利往度脫之即到其國都讚
歎言賢者所爲何乃使耶詣其王所皆面稱
譽各令大小人人聞知言某勇健某復仁孝

某有膽慧隨其所在應意嘆譽皆歡喜不能
自勝言此大人所說神妙知我志操何一使
善衆人各持金寶香華散菩薩上咸持好麤
錦綵衣服其肥美味飲食肴饌供奉菩薩皆
發無上平等度意文殊師利謂人民曰汝供養
我不如與我師我師名佛可往共供之福倍
無量一切甚悅隨文殊師利往詣佛所佛爲
說經應時即得阿惟越致三千國土爲大震
動山林樹木皆讚言蔡文殊師利善度如是
佛告阿難深大之罪今爲所在五百羅漢躡
地淚出菩薩威神所化如是何況如來可復
稱說耶我爲敗種無益一切也

昔佛坐樹下時佛為無央數人說法中有得須
陁洹有得斯陁含有得阿那含有得羅漢者如
是之等不可計數時佛面色無有精光狀類
如愁阿難深知佛意長跪白佛禮侍佛以來
未曾見佛尊顏無有光明如今日也有何變
應令佛如此今日誰有失大行者誰有為惡
墮地獄者誰有離遠本際者耶佛告阿難譬
如商客多持珍寶及數千萬遠行求利道逢
盜賊亡失財寶其身裸任無以自活寧愁憂
不阿難白佛甚愁甚劇佛告阿難我從無數劫
來勤苦為道欲救度一切人民皆令得佛我
今已為自得作佛而無一人作功德者是以

不樂身色為變阿難白佛今佛弟子有得羅漢已過去者今現在住及當來者不可計數有得阿那含斯陀含須陀洹亦不可計云何無因功德度者佛告阿難譬老公嫗生十數女當能典家成門戶不阿難言不能也佛言雖有羅漢無央數千因我法生猶非我子會亦不能坐佛樹下故譬如生女雖為衆多行嫁適人公嫗孤獨我亦如是時佛涕泣墮三滴淚三千世界為大震動無央數天龍神人民皆發無上平等度意應時佛面端正悅好無數光明千億萬變十方徹照倍異於常其見光者無不蒙度阿難白佛何以重光神變

妙好乃如是佛告阿難如老公嫗祠天禱地
求索子性晚得生男豎立門戶豈不歡喜而
自勞賀今諸一切發摩訶衍意是以踊躍佛
種不絕故也佛遣須摩提菩薩上國六十億
恒沙數刹令詣彼國取師子座衆飲食具如
伸臂頃還來到此嚴莊師子高廣之座請諸
一切無不會者其發無上平等度意者皆坐
自然師子千葉金蓮華上座有於七寶交路
帳中及於七寶樹下坐者豎諸幢幡七寶爲
柄天錦爲幡天繒爲華盖佛應時令大千國
土變爲浴池七寶蓮華滿其中生佛自變身
現作菩薩或復現形如釋梵四天王者廣爲

大檀供養一切萬味飲食其香廣聞十方一切其間食香皆發無上平等度意香遍身從毛孔出展轉復聞毛孔之香者亦發無上平等度意十方無涯垓刹爲大震動刹刹諸佛各遣左右尊菩薩來賀釋迦文用一切人民多發菩薩心之故也中有持紫磨金蓮華來者有持摩尼寶蓮華來者有持明月珠蓮華來者各各持雜尊寶蓮華共散佛上佛之威神皆令所散合成華蓋覆遍十方無央數刹華蓋光明亦照諸刹幽冥之處恒爲明淨犁薜荔禽獸六畜皆發大意咸欲求佛佛爲一切會者說經不可計菩薩皆得阿惟顏住

復不可計天人得無所從生法忍復不可計
龍神人民得阿惟越致復一切菩薩和薩皆
發無上平等度意

昔有一人年少貧苦行詣他國得一甘果香
美且大世所希有輒愛惜之不敢啜嘗心念
父母欲以果與即持果歸還維耶離時佛入
城與諸菩薩大弟子俱詣長者家就檀越請
佛適過去人未至家手持果投在佛處從少
及長未曾聞佛見佛足跡相輪如蓋光色衆
變亦無缺減便住足邊視之無厭心自僥
倖亡悲亡喜地之行迹猶尚乃今況此人身
誠非世有度是行人必當來還我當輟置父

母之分待此人至以果上之佛未周旋人坐
路傍悲思淚出道路行者來問此人爲持果
坐此悲耶荅言守此無極尊跡待留神人冀
其當還欲以此果自歸上之遲見光顏未得
如願自鄙薄祐是故悲耳行路問者聚觀如
雲豈怪此人謂之狂癡詎知行者還在何斯
欲待之乎佛到檀越長者家坐衆僧集訖以
次坐定長者大小手下飯具衆味遍設皆悉備
足佛遙達觀道中守迹持果延竦欲上佛者
於是食訖檀越自念世尊達觀屬不見及即遙
呪願外持果者將以所供有不可乎佛告阿
難長者供具福往耳所爲雖廣意有所冀心

懷四懼志在滅度外有年少手持甘果一心
無他專守我足跡慈悲待我思欲上果用一
切故發大道以意是以在座並遙達觀長者
念言是人果施而無異饌佛嘆其德甚為高
妙我雖豪富所設為豐計意輕重福為不如
願侍隨佛往見此人佛便起座到守跡人所
菩薩弟子長者居士并餘衆輩應時皆從彼
持果者遙見佛往身但衆好光踰日月即前
迎佛稽首作禮因以此果長跪上佛即發無
上平等度意佛放光明徹照無極三千世界
為大震動十方諸佛及諸菩薩應時皆現如
鏡中像不以遠近無不見者佛受其果轉施

諸佛等令一果周遍無極十方諸佛及諸菩薩各從袈裟申金光手放千億焰其一焰端各各自然有寶蓮華珠玑路帳師子之座上
有坐佛及諸菩薩皆持寶鉢受得此果各持一果神變達觀釋迦文佛亦復如是於此世界照曜十方虛空神天一切充滿八維上下無空缺處皆助歡喜讚善稱嘆三界諸菩薩皆得應蒙時上果者得不起忍佛授其決後當作佛号果尊王無上正覺所有國土如阿彌陀刹應聞世尊所別國土自然清淨得阿惟顏長者居士向道迹者無數千人不退轉地大度其德如是也

昔佛往到第二忉利天上爲母說經時有一
天壽命垂盡有七事爲應一者項中光滅二
者頭上傳飾華萎三者面色變四者衣上有
塵五者腋下汗出六者身形瘦七者離本座
即自思惟壽終之後當棄天座七寶殿館浴
池園果自然飲食衆伎女樂更當下生於拘
夷那竭國疥癩母猪腹中作子甚預愁憂不
知當作何等方便得免此罪有天語言今佛
在此爲母說經佛爲三世一切之救唯佛能脫
卿之罪耳即到佛所稽首作禮未及發問佛
告天子一切萬物皆歸無常汝素所知何爲
憂愁天白佛言雖知天福不可得久恨離此

座當為疥癩母猪作豚以是為毒趣受他身
不敢為怨也佛言欲離豚身當三自歸言南
無佛南無法南無比丘僧歸命佛歸命法歸
命比丘僧如是日三天從佛教晨夜自歸却
後七日天即壽盡來下生於維耶離國作長者
子在母胞胎日三自歸始生墮地亦跪自歸
其母媿身又無惡露母旁侍婢怖而棄走母
亦深怪兒墮地語謂之熒惑意欲煞之退自
念言我少子恠若煞此兒父必罪我徐白長
者煞之不晚母即收兒往白長者言產生一
男甫初墮地長跪叉手自歸三尊闔門恠之
謂為熒惑父言止止此兒非凡人生在世行

年百歲或八九十每尚不曉自歸三尊况兒
墮地能稱南無佛好養視之慎無輕慢兒遂
長大年向七歲與其輩類於道邊戲時佛弟
子舍利弗摩訶目犍連適過兒旁兒前禮足
言和南舍利弗摩訶目犍連舍利弗摩訶目
犍連驚怪小兒能禮比丘兒言道人不識我
耶佛於天上為母說經我時為天當下作猪
從佛之教自歸得人比丘即禪亦尋知之即
為呪願言咨梨祇兒語目連及舍利弗願以
我聲因請世尊諸菩薩僧并及仁等目連舍
利弗然受其言兒便還歸白父母言屬者遊
戲見佛第三弟子過即因請佛及四輩飯願

辦其甘脆父母受之從其所言異其年幼開
發大意又琦所作探識宿命為極珍妙盡世
名味求具精細過踰兒意佛及眾僧各以功
德作神足來到兒舍飯父母小大供養畢訖
行香澡水如法皆了佛為說經父母及兒內
外親屬應時皆得阿惟越致自歸之福所度
如是況乃終年修道教乎

舊雜譬喻經卷下

圖

射獵

字上射

精銳

下羊

鴟殺

上直

課謹

上亦

作

反下

正

啖

徒敢

愚戇

下知

佛戾

下屎

絞痛

巧裸身

上曾

姪姝

下夷

茅

反莫

蓬蒿

上薄

呼紅

高 𡵓 音婁 菓 赫 下 菓 反 曾 媯 反 正 併 獺 反 他 達 炊 立 日 攘

而 羊 寇 反 苦 候 一 枚 下 梅 音 隼 音 授 甫 甫 上 音 蒲 北

反 咳 步 古 上 正 哀 反 作 咳 怡 悅 之 上 反 餘 鈎 錫 先 上 音 擊 反 緣 下

糞 壤 養 下 反 汝 貧 匱 位 下 反 求 無 鞅 香 下 反 於 八 隅 愚 下 音 拔

垣 上 步 末 反 正 垣 暴 虐 却 下 反 魚 不 訾 斯 下 反 子 窈 冥 曉 上 反 煙

埴 咸 字 去 聲 澍 雨 音 也 注 大 目 撲 角 下 反 蒲 搥 罵 瓜 上 反 竹 違 戾

下 帝 反 零 志 操 下 到 反 七 其 脆 下 取 肴 饅 下 上 戶 交 反 言

蔡 下 音 裸 反 胡 瓦 公 嫗 句 下 反 紆 柄 反 必 病 繒 反 疾 陵 扭

刹 泥 切 結 飭 嘗 反 時 劣 僥 倖 下 上 反 古 堯 反 掇 置 上 反 知

像 上 音 達 親 下 反 初 延 竦 下 勇 反 息 疥 癘 下 音 豚 劣 反 也

珂 異 音 也 探 反 土 舍 近 下 反 延 竦 下 勇 反 息 疥 癘 下 音 豚 劣 反 也

音 奇 探 反 土 舍 近 下 反 延 竦 下 勇 反 息 疥 癘 下 音 豚 劣 反 也

